

Podemos- Gondomar debate as fórmulas cara a unha “candidatura de unidade popular”.

Escrito por Redaccion @valminorinfo
Martes, 23 Decembro 2014 18:02

O círculo Podemos de Gondomar reunírase este martes 23 de decembro para debater a fórmula para acadar unha "esa candidatura de unidade popular que sexa capaz de desbordar o inoperante taboleiro político vixente e recuperar para a xente a súa capacidade de decidir". Adiantan que non concorrerán ás municipais de 2015 como partido mais impulsarán "impulsar unha candidatura de unidade popular, construída de abaixo a arriba, sen exclusións, con ampla participación veciñal na designación dos candidatos e candidatas a través dunhas eleccións primarias e cun programa político, elaborado colectivamente, que garanta as transformacións desexadas de operatividade, consenso, participación e transparencia".

Sinalan como "imprescindible e urxente" traballar para acadar un cambio político "real e duradeiro que remate cunha memoria de corporacións inoperantes que alcanza á presente e cunha triste memoria de corrupción de cargos municipais". Nese senso reunírase a Asemblea do Círculo PODEMOS de Gondomar para abrir no seo da organización o debate sobre a fórmula e os medios oportunos que pode ofrecer para chegar a esa candidatura de unidade.